

Siku ro pfala ro fayila ra lembe eka vahakelaxibalo va nkarhinyana na tithirasiti, i ti 20 Sunguti 2024

Tshwane, 17 Sunguti 2024 – Siku ro pfala eka Tithirasiti na vahakelaxibalo vona vini lava va nga vahakelaxibalo va nkarhinyana ro fayila mitlheriso ya vona ya xibalo xa malinghena ya lembe eka lembexibalo ra 2024, i Musumbhunuko, ti 20 Sunguti 2025.

Lembe ra 2024 ra nhlahluvo ri vula nkarhi exikarhi ka ti01 Nyenyankulu 2023 ku fikela ti 29 Nyenyanyana 2024.

Muhakelaxibalo wa nkarhinyana i munhu wihi na wihi loyi a amukelaka malinghena kumbe loyi a vuyeriwaka hi malinghena, handle ka ya muholo. Thirasiti yi katsiwile ehansi ka nhlamuselo ya "munhu" ku ya hi Nawu wa Xibalo xa Malinghena, nomboro 58 ya 1962 naswona u tekiwa tanihi muhakelaxibalo.

Vukorhokeri bya Xibalo bya Afrika-Dzonga (SARS) byi tsakela ku khensa vahakelaxibalo lava rhumeleke khale mitlheriso ya vona ya xibalo ya lembe no hlohotela vahakelaxibalo lava nga se rhumelaka mitlheriso ya vona ya xibalo ku endla tano ku nga se fika siku ro pfala.

Vahakelaxibalo ku katsa na tithirasiti, va bohiwa hi nawu ku titsarisela xibalo lexi faneleke, ku fayila mitlheriso, ku endla mitiviso leyi lulameke eka mitlheriso ya vona ya xibalo ya xibalo no endla tihakelo leti va ti kolotaka SARS laha swi faneleke. Nkavulandzelelanawu eka swiboho leswi i nandzu wa vugevenga naswona wu ta koka rinoko ra mixupulo na ntswalo. Vahakelaxibalo va fanele va titsarisela eFiling ku fayila ntlheriso wa vona wa xibalo xa malinghena ya lembe.

Swi na nkoka ku tsundzuka leswaku Tithirasiti hinkwato ti fanerile ku fayila ntlheriso wa xibalo lembe na lembe, ku katsa na leti nga riki ku tirheni mayelana na ikhonomi. Vatshembiwa i "muyimelamuhakelaxibalo" wa Thirasiti naswona va na vutihlamuleri bya xinawu eka tshaku ra vona ra ximunhu na ximfumu ku fikelela swiboho swa yona swa xibalo, na loko ku tirhisiwa xitivi xa swa xibalo ku fambisa timhaka ta xibalo ta Thirasiti ematshan'wini ya vona. SARS yi ta khoma vatshembiwa hinkwavo va Thirasiti hi nhlanganelo no va na vutihlamuleri hi ku hambanana eka nkavulandzelelanawu wa Tithirasiti.

SARS yi endle swi olova eka vahakelaxibalo ku landzelela hi ku tirhisa swintshuxo swo fayila swa le ka inthanete. Ntlheriso wa xibalo xa malinghena ya munhu yena n'wini (ITR12) na ntlheriso wa xibalo xa malinghena ya Thirasiti (ITR12T) swi nga kumeka eka eFiling hiletlhelo xitshembisano xi nga endliwa na rhavi ra SARS eka webusayiti ya SARS.

Vahakelaxibalo va hlohloteriwa ku langutisa eka webusayiti ya SARS mayelana na vuxokoxoko hi xitalo eka swiboho swa vona swa xibalo eka tilinki leti landzelaka: [Tithirasiti](#), [Nguva yo Fayila ya Xibalo ya 2023](#) na [Xibalo xa Nkarhinyana](#). Webusayiti ya SARS yi nyiketa [webupheji ya Tithirasiti](#) na miengetelo ya leswintshwa ya nkarhi na nkarhi eka swiboho swa xibalo xa Tithirasiti, swiletelo na nongoloko wa [matsalwa mo seketela ma ntsariso wa xibalo xa Thirasiti](#). Mindzetelo ya vhidiyo na [tiwebinara](#) eka vulandzelelanawu bya xibalo xa Tithirasiti swi nga langutisiwa eka <https://www.youtube.com/@sarstax>.

Xi humesiwile hi Vukorhokeri bya Xibalo bya Afrika-Dzonga